



Bosnia and Herzegovina
Federation of Bosnia and Herzegovina
CANTON SARAJEVO
Ministry of Traffic

Broj: 01-05-3581-74/19 KM
Sarajevo, 10.07.2019. god.

SKUPŠTINA KANTONA SARAJEVO
SARAJEVO

PREDMET: Odgovor na „Zastupničku inicijativu“

U prilogu dopisa dostavljamo Vam odgovor na pokrenutu zastupničku inicijativu na 5. Radnoj sjednici Skupštine Kantona Sarajevo održanoj dana 27.02.2019. godine, a od strane zastupnice Amre Junuzović - Kaljić.

Inicijativa:

„Rekonstrukcija i modernizacija tramvajske pruge u Sarajevu, u dijelu od ”S” krivine kod hotela Holiday do Ilidže.

Obrazloženje

Na dijelovima tramvajske pruge od Marin Dvora odnosno "S" krivine do Stare pravoslavne crkve (Bašćaršija) izvršena je rekonstrukcija 2005, a od Crkve do Marin Dvora 2011 godine. Tramvajska pruga od Marin Dvora do Ilidže nije rekonstruisana u poslijeratnom periodu i na dijelovima te pruge, tramvaji voze sporo radi nesigurnosti iste.

Stoga se predlaže Ministarstvu saobraćaja da u skladu sa raspoloživim sredstvima, a bez obzira na planiranu sanaciju i reorganizaciju KJKP "GRAS" d.o.o. Sarajevo krene u rekonstrukciju tramvajske pruge u oba pravca koja može služiti i najmodernijim tramvajima.

Kroz središnji dio pruge se može planirati asfaltiranje tog pojasa, što se može iskoristiti za saobraćaj vozila posebne namjene (hitna pomoć, vatrogasna služba, policija, taksi službe) čime bi se rasteretile postojeće saobraćajnice.

Sve bi to imalo veliki značaj obzirom na nemogućnost proširenja saobraćajnica na putu od općine Novi grad prema Ilidži radi neplanske gradnje neposredno uz saobraćajnicu.“

Odgovor :

Ministarstvo saobraćaja je, imajući u vidu opšte stanje gornjeg i donjeg stroja pruge, opreme pruge, razdjelnog pojasa, stajališta i saznanja da je trup pruge u cjelini veoma loš i da je neophodan kapitalni remont ove saobraćajnice, a zastarjela tehnička rješenja upućivala su na



potrebu modernizacije, planom javnih nabavki za 2018. godinu predvidjelo sredstva za izradu projektne dokumentacije.

Nakon provedene javne nabavke izabran je projektant (Institut IPSA) za izradu „Glavnog projekta sanacije, rekonstrukcije i modernizacije tramvajske pruge u Sarajevu na dijelu od krivini kod Holiday do Ilidže sa konekcijom prema Željezničkoj stanici, okretnica na željezničkoj stanici, pruga kroz ulicu Hamze Hume i odvojak pruge za remizu tramvaja“.


Nakon dostavljene informacije od strane Ministarstva Vlada Kantona je donijela Zaključak o saglasnosti na kapitalni projekat: Projekat sanacije, rekonstrukcije i modernizacije tramvajske pruge u Sarajevu u ukupnom iznosu od 46.740.000,00 KM.

Projekat se realizuje u skladu sa pravilima EBRD-a. U toku je interna revizija dostavljenog dijela projektne dokumentacije nakon čega će se izvršiti i eksterna revizija projektne dokumentacije. Očekuje se da ćemo imati kompletnu odobrenu projektnu dokumentaciju do mjeseca septembra 2019. godine. Uporedo sa ovim aktivnostima realizuju se i druge aktivnosti na pripremi i provođenju procedura za realizaciju projekta. Očekujemo da će se pokrenuti postupak javne nabavke u mjesecu oktombu 2019. godine, nakon okončanja procedure javne nabavke i potpisivanja ugovora planira se da će se projekat realizirati prema planiranim poddionicama sa rokom za realizaciju projekta do 24 mjeseca.

S poštovanjem,

Dostaviti:

- Skupština Kantona Sarajevo
- Vlada Kantona Sarajevo
- evidencija
- arhiva



MINISTAR

Adnan Šteta



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

